



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj:01-7-02-2-1409/19
Sarajevo, 13.02.2019. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnika Nikšić Damira, dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo")-Drugi novi prečišćeni tekst br. 41/12, 15/13, 47/13, 47/15 i 48/16), dostavljam odgovor na zastupničku inicijativu, koju je na Petoj radnoj sjednici Skupštine Kantona Sarajevo održanoj dana 27.02.2019. godine pokrenuo zastupnik Damir Nikšić.

Prilog:

-Akt Uprave policije broj.02/3-2-02-2-1542/19 od 20.03.2019. godine.
-CD;

Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SEKTOR KRIMINALISTIČKE POLICIJE
SARAJEVO

Bosna i Hercegovina
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE

Broj: 02/3-2-022-1542/19
Datum: 20.03.2019. godine

Primalo	Datum	Prethodno
01-7-022-1409	20-03-2019	9

12.3.19

MUP KANTONA SARAJEVO
-Sekretaru-

PREDMET: "Zastupničko pitanje", dostavlja se -

VEZA: Vaš akt, broj: 01-7-02-2-1409 od 12.03.2019. godine.

U prilogu akta dostavljamo vam informaciju sačinjenu povodom zastupničkog pitanja zastupnika g.dina Nikšić Damira.

PRILOG: - kao u tekstu.

POLICIJSKI KOMESAR
Mevludin Halilović

INFORMACIJA

Sačinjena dana 14.03.2019. godine u službenim prostorijama Odjeljenja za krvne, seksualne delikte i ratne zločine, povodom akta Skupštine Kantona Sarajevo broj 01-05-3581-51/19 od 04.03.2019. godine koji se odnosi na zastupničko pitanje zastupnika g-din Nikšić Damira.

Policijski službenici Uprave policije MUP-a Kantona Sarajevo svakodnevno vrše analizu i postupaju po prijavama građana koje se odnose na različite vrste krivičnih djela, odnosno poduzimaju operativne mjere i radnje iz nadležnosti propisane Krivičnim zakonom FBiH, Zakonom o krivičnom postupku FBiH, Zakonom o policijskim službenicima KS, te drugim zakonima i zakonskim aktima kojima se reguliše sama nadležnost u postupanjima prema određenoj vrsti krivičnih djela.

Nakon što građani obavijeste policijske službenike Uprave policije MUP-a KS o izvršenim krivičnim djelima ili prijave samo krivično djelo, putem telefona ili lično u prostorijama MUP-a KS, policijski službenici odmah postupaju po prijavi poduzimajući mjere i radnje prema uputama Kantonalnog tužilaštva Kantona Sarajevo, a ukoliko se radi o krivičnim djelima koja prema zakonima i važećim aktima nisu u nadležnosti MUP-a KS, odnosno Kantonalnog tužilaštva kao što je krivično djelo terorizma za koje je isključivo nadležno tužilaštvo BiH (terorizam) policijski službenici predmet prosljeđuju nadležnoj policijskoj agenciji bilo na federalnom ili državnom nivou.

Policijski službenici Uprave policije MUP-a KS poduzimaju sve mjere i radnje iz svoje nadležnosti, a kako bi se građani Kantona Sarajevo na bilo kojem mjestu u Kantonu osjećali sigurno i bezbjedno.

Uprava policije MUP-a Kantona Sarajevo u saradnji sa lokalnim zajednicama vrše i održavanje edukativnih radionica i predavanja na aktuelne teme iz oblasti sigurnosti za djecu predškolskih ustanova i učenike osnovnih i srednjih škola na području Kantona.

U dijelu zastupničkog pitanja koji se odnosi na email upućen MUP-u Kantona Sarajevo od strane g-dina Nikšić Damira u kojima se navode prijetnje istom, policijski službenici nakon što su uputili pismeni poziv g-dinu Nikšić Damiru, isti je dana 28.02.2019. godine pristupio u službene prostorije MUP-a KS, gdje je od navedenog zaprimljena usmena prijava o čemu je sačinjen i zapisnik o saslušanju svjedoka.

Kompletan operativni materijal koji je sačinjen povodom prijave g-dina Nikšić Damira je dana 07.03.2019. godine dostavljen Kantonalnom tužilaštvu Kantona Sarajevo na uvid i donošenje tužilačke odluke.

Sarajevo, dana 14.03.2019 godine.

Bosna i Hercegovina
Federacija BiH
Kanton Sarajevo
Skupština Kantona Sarajevo
n/p g. Elmedin Konaković, Predsjedavajući

21

ZASTUPNIČKO PITANJE I INICIJATIVA

Peta radna sjednica Skupštine Kantona Sarajevo

Pitanje resornom ministru i policijskom komesaru:

Ovih dana su mi građani skrenuli pažnju na postojanje, rekao bih alarmantnog broja ultradesničarskih i militantnih grupa i pojedinaca na društvenim mrežama koji pored vatrenog i hladnog oružja promovišu i određene ideološke sadržaje koji obiluju govorom mržnje i porukama vjerske i etnonacionalne mržnje, a čije su mete i neki zastupnici u ovoj Skupštini, kao i sami članovi vlade. Ja sam veliki pobornik slobode govora i vjerujem da svi imamo pravo izraziti svoje mišljenje na svojim računima, internet stranicama ili portalima, o bilo čemu i bilo kome, na bilo koji način, pa čak i najvulgarniji, kao što ste mogli svjedočiti u medijima. To je moje slobodarsko ideološko i političko uvjerenje. (Za navodni govor mržnje protiv nekih članova Glavnog odbora moje partije spreman sam disciplinski odgovarati, pa i biti izbačen iz takve partije.) Želim reći da nemam ništa protiv najgorih ličnih uvreda, bez obzira koliko neduhovite ili morbidne one bile, ali ako određene prijetnje ili ostrašćen govor mržnje dolazi od strane militantnih i naoružanih ultradesničarskih organizacija i pojedinaca – rađa se mala zabrinutost i pitanje u kojoj mjeri smo mi ovdje sigurni, tj. da li MUP KS može da garantuje našu sigurnost ovdje, u Kantonu Sarajevu, ili barem na potezu od zgrade MUP KS do ove zgrade. Moram priznati da sam u svjetlu trenutnih odnosa policije i ove vlasti počeo strahovati i pitati se da li je policija uopšte voljna to činiti (no to su samo, nadam se, moje paranoje).

Zato me zanima koliko je policija u KS ažurirana kada se o ovim savremenim pojavama radi, tj. da li odjel koji se bavi ovom problematikom svakodnevno skenira moguće terorističke i druge prijetnje na internetu (bez obzira da li se radi o zastupnicima skupštine, zvaničnicima i članovima vlade ili drugim javnim ličnostima i građanima).

Takođe me zanima gdje se i kako najefikasnije građani mogu prijaviti konkretne fizičke prijetnje i prijetnje smrću pošto sam i sam ovih dana bezuspješno pokušavao stupiti u kontakt sa nadležnima putem emaila.

INICIJATIVA: Da li bi resorno ministarstvo moglo organizovati određenu aktivnost, medijsku kampanju u svrhu edukacije, obrazovanja raznih generacija korisnika interneta o postupcima u ovakvim slučajevima?

OBRAZLOŽENJE:

Postoje mnogi pokazatelji da psihosocijalna klima u društvu nije na zadovoljavajućem nivou. Mene, kao zastupnika i građanina, zanima da li ova vlada i resor planiraju sistemski reagovati na moguću epidemiju ultradesničarskih tendencija i eskalaciju vjerske, etničke i nacionalne mržnje kojoj su izloženi i najmlađi.

Sarajevo, 27.02.2019. godine

Poslanik SDP BiH u Skupštini Kantona Sarajevo

Damir Nikšić

